

竹葉庵文集

竹葉庵文集卷七

吳縣 張填 詩言

鳳皇池上集三

甲午正月迄七月

新季直廬二首

天子親祈穀寅初駕六龍仗回無奏事花下聽疎鐘
婉孌看新月清閒伴直廬眉中紫薇樹栖得一蟾蜍

喜雪

此詩正月十日作二十四日阿將軍桂奏報谷鳴了口雪夜之捷即此日也優揆元濟之言爲先識矣歡欣之極謹錄記之

方士親祈禱神光太乙壇天心果仁愛農事不傷殘龍蟄春江
靜花開粉署寒僂擒元濟好一作洗兵看

元夜不及出游寄程魚門吏部用輩

踏鐙猜謎嬾尋羣一棹春醪易得醺身忝我如木居士風光兒
開芋郎君當頭今古團團月入癡溪山匝匝雲只合青藜照公

處讀來周易肯平分

魚門見和元夜詩愛其江上梅花遠憶君之句和其正月二十日韻酬之

新正十九號揆春春色今朝破幾分說餅天客名士洒落鏗風卷美人雲沈淪判斷魚蝦侶老嬾思量筆硯焚只有梅花忘不得嶺頭消息可常聞

魚門疊韵見貽有曰新詩頗具梅風格小白江邨合遣聞疊韻再酬之二首

春寒料峭未殘春春色相鄰一巷分名姓不埋東郭雪文章合逐孟郊雲人角璞玉終能守物外蘭椒肯被焚莫爲江邨作惆悵心清隨地妙香聞

無地尋春尙媪春曲闌扶醉到宵分好詩若吐三更月良友如

攀五嶽雲與子冰蠅同耐冷任他火獸不知焚後來元白蟬聯
見莫在鍾譚集裏聞

訪森上人

楚客工哀怨才先屈宋稱湘江流日夜風雨禿孤僧春艸庵門
綠新詩七字能偶來京輦住毋負讀書鐙

大姪書來述資青館藏書蝨食其半既急命料檢復題

此詩擲筆浩歎而已

老宅藏書處名園東北連

王額駢
園也

閒房春艸地細雨百蟲天羽化

爭今古灰飛到聖賢罪反因肩鏹恨頗極纏綿總角承遺訓鐙

窗記昔季背膽闕葉紙私積釘

去聲

工錢門有雞林估家多鴻寶

傳明明排錦軸一一護瑤編錯後真成鐵貧來但守瓊齶倉金

石祕苟部鬼神舉顛倒搬薑苦飄零種粟緣述詩爲永歎已壞

我良田

奉頌畫禪集腋長卷

乾坤一畫海智者能惺惺三品鑑流派六法依常經以我入於
畫乃還萬物形以我離於畫乃通萬物靈卷羅十二幀眾史分
畦町凡十人至人一下筆巨鐘壓寸筵紙素不多闢玉版開晶熒上
豎峯萃萃下逼水泠泠老樹得雲活石戶當秋扇東軒數弓地
點墨游滄溟平生慕禪悅花雨託盲冥只看此卷內山色佛頭
青

招同程魚門銓部翁覃溪學士宋小巖太守徐西灣編
修孔蒞谷農部錢獻之上舍集昇元墨妙軒賦明宣宗
仿宋徽宗鸚鵡林檎橫幅

今朝置酒春風天畫叉看畫蕭齋角眾嗜酒九嗜畫畫閱春

風四百季宣宗時屯太平日祕殿鑪香娛彩筆塞夏何由諫疏
稀中原麟鳳多良弼燕中佳果蜀中禽粉墨襪用苦心黃門
花下催符寶璽印猩紅直萬金聖人寶繪六經同長樂甘泉圖
像中日講不容陳大學御屏何必張去 幽風林檎赤柰非一族
此果不爲連理木鸚鵡肯頭不敢言別有孫妃定情曲幘閒署
字仿宣和壓倒南唐畫院多未與九重圖職貢願先百姓貌嘉
禾幽香誰製猗蘭詞歎息廊王監國時再傳優是徽欽樣莫道
南宮復位遲

徐陵曰甘泉之地舊禮樂軒長樂之宮本圖畫殿

寒食日攜酒觀音庵同顧上舍森上人閒語

一百五日到野桃纔作花燔閒新酒因火裏舊龍蛇浩浩芳菲
在瀾瀾塵土遮攜尊僧舍坐消得夕陽斜

好鳥

萬物各喉舌閒關好鳥長聰明小兒女嫺雅古笙簧故國櫻桃
宴幽居薜荔牆不嫌喧午徑隣木借千章

覃溪見示粵東金石略附記蘇佛兒一條不覺失咲戲

呈絕句二首

附記一條今錄於此方綱乾隆三十五年涇環南試按謁蘇文忠公祠有清裕迎者稱文忠後人持家譜一帙云公在僧耳

娶符三婆生一子名佛兒留海南今其後也然無由直斷其偽今季秋學官來眉曰此人所持譜內一語與王氏季譜合曰蘇公渡海歸至廉州於合浦清樂軒有寄蘇佛兒語耳方綱因檢王氏季譜非寄字乃記字檢公集此文是八十老人蘇佛兒來與公論契而公記其語豈公之兒哉以其人奉祀已久寬不加罪而就其衣頂子奉香火之役

八十老人綉作孩林逋梅萼不空胎符三婆子爲何物定合兒
呼符秀才

六如亭下有孤墳乳脹人叵只憶君容得蘇家遺骨在佛兒寒
食拜朝雲

同獻之龍泉寺看花

樹樹芳菲谷口霞路穿野菊到僧家可憐牆外多新鬼幾個生
甫看好花捲幔青山如集翠當頭白日又昏鴉達人處處須行
樂莫道無涯是有涯

初六夜對月

新月分明三五殊唐宮興掃闈看圖若教靈兔朝朝滿難保仙
娥夜夜孤對酒心情吹似浪養花天氣嫩於酥歡場一別如陵
谷手把紅鐙總不符

同獻之法源寺看花

滿眼芳華閱寺樓寺門何日不鳴騶百季父子花紅淚

寺爲徽欽
二宗北行

泣別處一段滄桑烏白頭舍利龕邊午磬響多羅幢下夕陽愁風

幡好作隨藍護修竹甘蔗恩怨休

書亾友盛筠史

映心

拗蓮詞後

凌雲賦筆浣花箋絕代淒清蜀國絃三十六鱗飛不到誰緘紅
淚達重泉

題王彥泓馮班詩後

元相千秋作俑人十季曉寺寢游春江東風雅如龍虎格調於
今不可親

校書稍倦述懷十韻

中季奇氣漫峻嶒山積殘書校未能心血耗多如撞鹿目光枯
少若飛蠅逢時嬾逐朝華茂見道難言夜氣凝一枕羲皇身外
寢滿庭風月歲寒朋看花不愛臨摹劫對酒何妨食肉僧游北
溟魚天地樂出東門犬古今懋甘爲浮瓠沈香咲贏得黃金白
髮增墮地茫茫全苦境登樓岌岌最高層半帆風送仍沿岸小
炷油添不燼鐙如此生涯非落拓是非恩怨我何曾

門生餉武夷茶二首

武夷四曲御茶園，質產紛紛總不論。
多謝高懷開竒字，相將鈍舌出清言。
六千里外春風使，十二時中澹水痕。
折腳鑪頭候湯，諛蔡襄絹錄爲君緝。

吾鄉多嗜武夷茶，捆載牛腰信未佳。
雲竹窩窠什伯種，雨晴態度兩三芽。
時招佳客添香獸，徐引清風卻睡蛇。
眼下綠肥紅瘦，景虎邱小樹已槎枒。

虎邱亦產茶，枝高不過三四尺。

門生黃秀才寓舍送春藤花下醉歌

花與春兮相期，春欲去兮花惡。
別離花攬春袂，不能說愁暈一
一添高枝春護花兮，有遺愛白日不烈。
和風自吹今日與花作
交代，願花壽命金石葆，無虧春之去兮。
高高上天下下入地，不
可羈。明季春會花兮，仍此處毋因人事錯。
迂相參差我偕黃秀

才餞春酒一卮花亦在坐隅聽我陳一辭皇天四時若轉磨各行其令公無私春既不能留攀轅臥轍夫何爲花亦不許謝三朝五日休離披爾不見蕩帝蟠桃結核遲麻姑胡蝶翻飛隨那學兒女分襟出苦語迭教霜雪滿頭欺

勺藥詩十一首

豐臺在城西土人種勺藥三百六十日衰髻勤力作日日在花中頗無種花樂父母與妻子性命花中託四月得收成擔之入城郭買花嫌花小不足供簾幕花小豈不知家貧田蕪薄寄謝朱門客怱怱一酺釀花小亦同開花大亦同落那有古蟠桃筵肯常灼灼

北地富勺藥如南牡丹彊每到花開時輒作一月狂東家借膽餅西家借胡牀羅列百瓷器質麤而用章金玉在匹夫叱之爲

不祥愚哉慕哥定一跌難豫防歌舞失銅雀風雨埋香姜此亦
瓦片耳千古事茫茫

一花具一態一餅作一勢橫斜若雨風植立儼晴霽以人傳會
花鄉背閱次第吁嗟此狡獪僞託非真契斫根辭故土其勢必
蚤斃花亦不得已但爲頃刻麗明妃悲遠嫁烏孫痛幽繫大半
戕天季玉容孤芻閉

花時過豐臺花無一朵在阡陌紛縱橫大小特蓓蕾始知賣花
人隔夜先我采九州會貨多定產不可改奈絲本陵陸瓊璣出
江海數百千萬里都會翹足待天地生此物土人免凍餒是誰
用此物天地不能宰思之心慨慷積理已每每

昔賢盛詠歌勺藥推揚州比來稍寂寞頗似瓊樹不豐臺最後
出佳種開重樓紅紫已可悅白者良無儔文章歸太素一洗燕

支浮臺下好女兒粉面常娥羞風露立花田衣帶橫簋簌夜夜
看三星誰爲匏瓜求對花重歎息花謝人白頭百季無可贈溱
洧自東流

多謝侍監丞

朝

賞花約今夕催花無文書其餅卻挂壁餅假髻

黍爲象形若半擘肖諸官窳歎霽紅霽青格或仿古銅鑄雷回
雲紆迹注水斷滲漏遇日鮮迸塢此製近廿季輕巧爲僂策環
堵數十餅芳菲上牆隙君家在揚州萬花會中客方朔小祿位
淳于舊履烏明鐙擁姝豔佳品出殺核嬾眉卷波令健有漉酒
憤不飲被花咲蚤醉爲花惜偶逢金帶圍好事入采摭毋學女
郎詩刻意求婉孌

皇天生一花結構殊苦辛自跌到須瓣累積窮微塵譬之人百
骸闕一非完人一朝顏色萎墮落吹續紛生之必一季敗之無

半旬我故特愛惜以答造化勤換花試改插又是一花身
傳說玉盤杆聞名頗震耳今晨齋中花儻然斷紅紫一花徑五
寸在佛豪光裏風度非尋常白恰好名士或似武元后所選諸
女子浩態與狂香乃是酒邊妓如何辱此花陽秋不見美品題
到人閒誰爲修花史

讀書弔古人我不能問字箸書贈後人彼不能執轡徬徨兩處
心寂寞一生志不如來飲酒看花百回醉一花纔爛漫俗眼便
驚異那知後花榮初花積顛頽人人作佳傳竹書不勝記人人
要易名柳下不勝諡花亦猶人耳久開不如墜

萬花屬萬人此花定誰得蹢躅入清供卻似本相識聖賢感傾
蓋緇衣悅道德優柔逮近俗青衿化姦慝記與總角友書堂共
文墨心無不可剖口無不可述浩浩天地寬明明鬼神直不知

世間事何物受偈仄結交日益廣公然踐荆棘同車纔陪乘格
酒優作賊曾參慈母疑陳平婦翁惑皆出自此輩唧唧復唧唧
敬容生延賓西華外失職風人易哀怨思念常惻惻此花淡無
言芳馨到日陌惡客不入羣佳卉不離室庶以樂百季高士訂
膠漆

勺藥號殷春春去亦已久炎曦司天南暑極逼申酉嬌姿易成
肺倏忽變老醜彭殤委時運盛衰本何有水牛曬欲坼土龍鞭
不吼米麥市增價漸貴到蔥韭可憐望雨心且罷賞花酒

勺藥絕句

豐臺獨欠黃樓子醉粉嬌紅次第開閱盡風光人易老此花將
謝鮒魚來

題謝林邨畫幀二首

淞洲處士負高名海嶽雲霄畫裏成近日吳中耆舊盡

謂文憲一
賦諸公

不迭太息謝宣城
江南櫻筍最新鮮初夏幽居劇可憐讀盡小樓殘醉裏不知靈
運已生天

鷹羽扇三首

傍紐依韉未了終百季爪距爲誰雄破翎碎羽尋常事不值人
問一紙風

炎歊長耐北風圖一一修齋闕竹梧凶鷲到頭成底用聞看穀
穀哺鴉雛

拍拍飛鳧不掩羣揮來涼雨一溪雲山人閱歷從頭數生歎無
門善惡分

午日 御園直廬

浴蘭采艾接康衢送喜頻來職貢圖仁壽鑄成天下鏡太平握
得

聖人符風飄水殿聞仙樂香透紗衣近 御鑪尙有偏陲勤
廟算諸公專闔好肯驅

陳厚堂舍人同季見次肯韻疊韻酬之

細雨輕陰壓市衢攤門午日午時圖 尙方卻病天師艾百姓
長生王母符喜與同季吟粉署偶稀封事共茶鑪射團裏糗家
鄉景太息多因在故驅

將軍墳

今謂將軍墳頭

樊居金闔門門外將軍墳在代眇荒遠竹書鮮紀聞有盜發其
翁脛骨如車輪乃知防風氏所載非燕因俛視三代後一一僬
僥民我將倚長劍與爾賦大人

內閣夜直感懷劉文正公

內閣雙槐樹中爲政事堂舍人藥筆地隣屋界西牆暑夕無一
營霄蕩高晶芒上見蟾蜍白下見琉璃黃中宵羣動靜盛衰感
衷腸眼肖卿與相遺蛻委北邙巍巍劉太傅柱石尊忠良豁達
釋私憾嚴明持大綱去季亦五月翠蹕幸山莊畱公作居守
筦鑰司天閫袞衣勤入宿廳舍排胡牀與我直廬近望見燈燭
光相招作夜語撫髀音慨慷論及先莊僖勳業高煌煌一劾憚
姦相嚴再劾俘藩王與公顧三太息祖德爾勿忘敦厲出氣節
耻惟祿位將今日三台坼旌旆飛飄揚歸葬東海東穹碑百尺
長公言美齋易美諡殊難當公今得文正冊券在太常公固長
已矣列宿駘帝旁獨悲後外客踽踽復涼涼

眉中偶題

量推科分爲角輩。嬾徇時名。是此公白髮半頭。花下坐紫薇郎。

是紫薇翁

紫薇花對紫薇郎。紫薇花對紫薇翁。並白居易詩。

牆中牆外多佳樹

牆中牆外多佳樹。有雨有風。便覺涼帶溼。流螢明夜火。未秋團扇感。書堂南山隱。隱雷聲展北斗。沈沈漏點長好。寢不離吳苑。路芰荷水閣正相望。

舊絲條

弱線周千縉。輕絲損半綫。人情多斷續。天道只回環。衣帶銜角語。要支別後顏。何能成億丈。圓袞九疑山。

徐鄰哉

良

太守角輩挽詩二首

扶病還華亭。將及家百里而風。

夔府風雲浪拍天。掉頭五載未歸田。相逢異地看花酒。只使平生賣字錢。要腳病多眉拜晚。子孫貧極共述邇。家鄉隔宿終難

到鶴唳華亭故惘然

借得禪房花木叢蕭然世界大槐宮三季下考爲廉吏八口隨身累寓公臨得黃庭朝飯後梳來白髮晚晴中如何竟作千秋別處七星災屬此翁

竹林覓句

眾卉不久豔不如甄修竹幽人期未來書幌有微綠覓句逸竹行涼露綴如粟詩思無定體心苗紛曲磔亦似籟龍長可以穿垣屋詩竹兩蕭騷風來鏗敲枳

秋山幽舍

王氏之伯仲

辰鳳儀

各寫秋山卷卷中著陂陀小屋大於繭林巒

在軒楯日夕足清晏藜杖看花來布袍采藥轉除是山中人不知路如篆太上與消搖谷神共游衍何當比鄰住艸堂署門扁

立秋日作

七月一日

一歲平分寒暑忙，蕭齋清景絕無雙。
繩牽花蔓聊遮壁，紙礙蠶游不補窗。
結客十年羞瑟鼓，校書五夜聽鐘撞。
眼角具眉眉頭皺，白髮英雄未易降。

七夕感懷五十韻

受祚徵牛女，淒然獨痛嗟。
彩雲朝日麗，碧海夜天姱。
空見填河鵲，真驚赴壑蛇。
歡娛期有限，憂思世無涯。
記得南樓宴，同看北斗斜。
鑪香生屋角，燈燭鬪檐牙。
盤砌同心膾，庭裁吉慶花。
祝詞捐富貴，感恨託幽遐。
已遲去聲星辰淡，猶聞婢妾譁。
羅裙風綵繚，寶髻月鬢七夕婦祀雙星爲瓜果之會此紀實事甲第開秦館，晨妝習漢家。
韋門全盛族，謝氏最嬌娃。
呼壻非青鶴，迎郎是白驪。
高鋪森棨戟，曲字偃箏琶。
九醞芳廚炙，雙聲妙伎哇。
千季空此合，一日不能加別。

浦多楊柳淡閨損蕪華鄉關哀庾信書札慰秦嘉今古侈三策
功名吝六珈分鸞辭妾易賣馬聘君差

龍魚河圖賣馬錢
聘婦令惡病離別

竟化山頭

石俄流谷口霞尸居渾脈脈狂走故衙衙自入中書眉頻頰二
制麻蒿扶常直性穀賤易焦芽名姓隨人後文章報國賒秋風
方起也春水未行邪遠殯空山暮先塋薄土遮篆碑飛蛺蝶野
岸亂蝦蟆步屐吳王苑悲寬楚客些滄桑皆寂寞兒女況掄挪
載酒逢佳節窺園過上沙內人匱盞具丙舍子孫誇壘石充樵
嶺臨波倚釣查彫窗榻蟹聖壁壁痕蝸土木株新劫塵蠹又
積痂鳴禽稍宛轉種樹頗杈枒

七夕與婦遊上沙園
亭婦家之丙舍也

惟爾歸耕約他

時卜築奢橋分光福墘田接虎邱茶五畝三三徑單扉一一笆

稻梁窳地稷孝弟補天媧窈窕思行饁英雄願打耒黃泉先泯
滅素志付嘔啞今夕靈妃會燧夏關道衰下機雲趁輦灑淚雨

隨車便擲金梭急難平碧瀼窪窶中緣巧悞劫外被愁拏夫婦
如遺屍神仙乃破枷孤生畱葬綽預外免器壘智訪中山釀愚
尋抱朴砂俗沙字然史記月砂字已从石又唐人兩義者多兩叶也我將游大道齊物漆園佳

松楸

松楸鬱鬱故園情
澣淚花時暗裏驚
羹飯客中常代祭
子孫身後半虛名
十季期望官和職
三處天涯妹與兄
家兄倅固原舍妹以婚免官寓居滕縣夏鎮
下直到門羣犬吠
後來列傳況無成
徐勉數旬一遷宅羣犬驚吠歎曰吾凶後亦是傳中一事

題浴牛圖

世間愛牛貪其利
幽人愛牛取其意
天地何物不辛苦
牛樂從君無所事
既不求黃金爲倚頓
媒亦不干貴人作甯戚
費江鄉三月積雨晴
桃花李花溪上媚
東風吹花墮
溪面牛欲逝矣
緩牛轡此水淺亦三五尺
此牛履之若平地
溪魚溪鴨不知何物

來其大如山壓鱗蛟族情仗以勢力爭大者昂然小者避載沈
載浮一二時沒其尻股揚其鼻主人吹笛芳艸坡立盡斜陽山
紫翠歸乎歸乎開汝柵牆闕松亭有位置君不見牛能千里八
百里喘汗乃爲搢紳使論功行賞縱大噉不踏春郊一娛戲尺
有所短寸有長不枉區區鬪才智不然豈少任公子縛五十犗
爲一餌

竹葉庵文集卷七

竹葉庵文集卷八

詩八

吳縣 張塤 商言

鳳皇池上集四

甲午八月迄十二月

後九秋詩九首

有序

壬辰之秋與王葑亭

友亮

唱和爲九秋詩王和秋花云冷面偏

空咲芳心不肯紅又秋扇云別來嬌女手冷到美人心子極賞

其句令羅山人

聘

繪圖錄詩其上王旋乞假去聞其奉母爲黃

山西湖之游脫然塵埜與蔣心餘

士銓

揖讓邱壑閒此人此志

希風千載今子重爲此詩江湖之願流露居多或以爲勞者之

歌或咲比蹇人之登天然固日不怠於此矣錄寄魚門要與同

作掀尋太息想亦此情耳

秋水

不覺蓬瀛客秋江擬釣迤西風露魚鱉白日隱菰蒲幾見波濤
涸能令天地枯滔滔心不競吾積欲忘吾

秋山

秋山如好女能瘦不能肥磊落長眉黛光明見夕暉縣樵踏鳥
背脫樹出僧扉拳石勝千古慨然人壽非

秋蟲

嚶趨爾何稟能知天地心一蟲作先導萬物學哀吟漸逼牀頭
近相隣夏鼓沈來朝梳白髮渾是欲盈簪

秋棗

老樹當庭熟欣於臥闌連秋窗酒醒後每墮韻磴然日逐兒童
飽宵爭風露鮮分甘及西舍被遣婦無緣

秋塞

官軍諸道捷殺氣擁貔貅一一良家子人人異姓侯雲開明曉
帳雨急瀉長矛

七月四日大雨中阿將軍有連爾圖之捷先是阿將軍奏報雲開日出之時望空喜山梁賊殲悉盡官軍駐列七營上極垂念而明亦奏到

不藉寒衣寄迭添少婦愁

秋試

槐花與舉子三歲一怱怱健有磻溪老奇徵江夏童文章闕氣
運科目重英雄領襲諸公在當無五色蒙

秋雨

幾陣作霹靂陰晴頃刻兼苔階隨意綠香篆不辭簾溼壓詩魔
重涼應酒債添一身總漂泊蔬蕨故鄉甜

秋笛

落落復莫莫淒淒九哀哀羈人皆欲外此笛恐成灰水國高樓
迴明星夜雁來江城人去誰寄一枝梅

秋燈

貴賤今平等非吟長短繁倦畱一兩燄癢在四三夏鐘院諸天
靜砧宵徹骨清南濠訪都穆只憶閩閩城

程晉芳題後九秋詩後

寥然衰秋心如豸螫而伏有客晨敝關贈以詩尺幅覽之未
終篇商氣號白屋旨哉狀物工瘦筆洗凡縉淡弗繁聲音有
象寄空綠山高而水長雨笛奏何曲壁蟀念無衣苦爲寒士
促羅羅夕燈青總總鄰棗熟黃花疇踏徧青塞人獨宿所感
非一端境異詞不複繁余思久詛腹底手恒縮聊因舉大凡
徐且次其目相期埽霜林漱石餌月菊

答魚門題後九秋詩

拙詩鋪敘盈於九君妙單篇綜括工黃葉埽來吹夜火白頭相

對數飛鴻故人半在長江外

謂蒼生
對亭

秋氣平分一巷中不必神仙

求服食惜騰醉倚菊花叢

來詩有漱石餌丹菊之句故云

野花

野花未使閒錢買白白紅紅滿院多
落瓣承趺方有態小蟲細
蟻已成窠今人不及古人達
老輩常爲後輩訶風月乾坤無大
小一椀濁酒且高歌

秋花爛漫戲作三首

千花萬花市上買不如一花親種開
老夫徇私尙近理出腹勝
於螟蛉孩瓊樹芝艸有氣運奇妙不許凡人栽
子弟力田稍謹
厚何必高官大祿哉

眼肖愛花愛叢雜花品不論其好醜
千錢萬錢致一本金谷園
中無不有主人行樂得幾時身外賤
於一畦韭愚哉衛公平泉

記一艸一木令世守子孫賢否定何如千載東籬最長久

我不知神仙有蓉城主亦不知塵瑤有花縣令小人灌沃稱數
弓斑斑爛爛雜掩映文章本以樸素高天地尤忌絢爛盛一枝
夜燭讀書牀齋如秋水月如鏡

門兒書齋肖秋花題一詩相勗

陶公傳責子蘇公傳譽兒我頗無成見略有姑息時種花亦着
性小人鄙樊遲畝畝習農圃聖人非不爲如何一於此志陋事
卑卑憐爾蚤器母捧袂同衾帷今日積長大稼穡一不知蠶能
工小楷餘課諳小詩爾如花蓓蕾孩嫩及扶持詩書力灌溉孝
弟數根枝祖考毓明德不致蕪不治誰家科第艸歲歲必繁滋

雜言五首

有序

天近秋中花開蝶舞藝香於鑑繙書於几招弄明月延賞古今

封姨狡獪卷地而來亦造物之無情也言之長短自歌自謠而已

風中花流彩霞本來無氣力禁得甚欹斜欲呼古因屏風女聯
襪成團團扇遮

風中蜨衣損摺小膽不銜花空牆有落葉滕王金粉亦飄零芳
艸重生開畫篋

風中書秃蟲魚汗青多散亂刻玉亦吹噓天上羣仙開寶笈人
閒俗字咲窮廬

風中香火鑪涼玉眞迷洞府心字失羅囊吹作巫山雲萬里分
明直接九疑長

風中月搖海窟美人來不來殘燈沒復沒桂宮仙子閉瑤臺靜
整裳衣理素髮

古鏡寄內

舊作

手捧秦銅拭古文
明光青蓋總紛紛
季來化作關山月
分照空閨寄細君

八月晦日後開晚香玉
寒香可掬是夜爲陸丹叔編修
同季題米帖三首

花短葉高高捧護
一盆撩亂肖風蘭
榮華已過恢台運
優作秋花一例看

今日真能號晚香
天畱一月伴秋光
明季再到開時節
莫共蠅蚊熱處狂

重陽未到菊開期
愛爾猶存冰玉姿
童子熟暝茶竈歇
花香燭炮跋殘碑

重九後一日諸竺莊徐薈林二明經報罷小集記珠軒

適魚門寄重九詩至同其令弟作者卽事次韻奉答并

懷家兄在固原二首

兄弟吳山會登臨亦十季

吳人九日吳山登高
家兄入秦已十季矣

野濠秋水岸紅柿菊

花田各以貧兼仕何如老共禪羨君子由近風雨一亭元

故人皆失解入世尙然難天運逐時運兄寒念弟寒座多名士

在井讓小夫觀且盡一尊酒凌霜秋竹竿

秋閨三首

水正無波月正明樓臺高下勝蓬瀛訛言傳得郎消息噩寢驚
來妾太平眼治金匱知有淚口銜石闕語無情斷腸一望疎林
外壓葦流蘇畫不成

明珠翡翠劇彫殘取次瑤琴續續彈老婦始知操井臼美人纔
不畏飢寒裝餘菊枕誰長命拾得蒿簪又合歡不道九秋天气

好杜鵑血裏倚闌干

罵罵燕燕復何存圖畫眞眞已負恩
丁令歸來非故里蔡經鞭後一招寬
長庚不動依天極精衛難填怕海門
莫爲淫詩訪鄒魯神仙符篆也能吞

秋寢

秋寢不能長落葉便驚醒乾捲如人行
直闖到軒楯哀哉百歲中不值一細莖
稟賦善感觸衾枕逼澆澆五夏又細雨
苔階生溼菌

九月廿六日同陳竹厂上舍王懷祖孝廉錢獻之明經
玉皇廟看菊任子田祠部後至孔莊谷農部未來

天地淡秋盡爲哀酒壚且藝古牆隈人除長醉無他遣
花不知愁故亂開白日雁沈將廢寺西風鷹掠最高臺
繁英簪帽欺歛

鬢舊雨何爲來不來

橫澤三首

舊作

義門書庫未全荒
占住溪山舊艸堂
劉薦窺屏賢母在
特慙嘉客荷傳殤

力田孝弟究良圖
欲買君鄰結屋俱
老輩搢紳凌替半
無將門戶鬪崔盧

錦囊玉軸闕修羅
長爪龐翁一刹那
試拓軒楹供鵲尾
頗能歲月勝雞窠

西施舌二首

枯木寒崖海上臺
一鉤初吐似珠胎
美人去後煙波渺
秋盡梧宮入網來

獷設鮮新闕處看
沸湯一沃薦盤餐
就中眞液休枯盡
口燥唇

乾亦大難

散中有汁最鮮美割時不可去也

題馬士英畫二首

卽王阮亭尙書所題詩之幀今陸丹叔同季藏之

此君作畫題辛未門館清閒消夏空尙是江南無事日未曾廬
鳳督師時

一般不罵楊龍友桃葉江聲罵汝多賸水殘山能幾筆六朝難
盡畫陂陀

偶憶普福寺看牡丹舊詩并懷薛壽魚題惲壽平畫牡丹幀上二首

牡丹古說慈恩寺車蓋駢闐穀雨齊何似吳中普福好佛幢幽

絕慢初歌

舊詩

惲家設色眞無匹此法今傳薛壽魚鮒爾最下僚依幕府燕支
多買欲何如

瓜子雞有序

瓜子雞者小兒女以瓜子五粒湊合一頭一喙一尾雙翅似乎雞也坐瞰其旁感嬰季之無愁思識萬物之無定形偶爲詠之擬好事者和焉

兒童喧趁作

去

雞來瓜子閒窗細啗

讀如渴啗瓜子方言也

開骨節鱗鱗粗

宛轉案頭州州小斐回不鳴被殺寧能久無肋安拳略可哈嚙
豆莊門風景在伴將人字積成堆

十一兒出痘鄉瘡家人蚤暝予猶深夜校書

藥汁不濃輕藥帖鐙煤欲暗舊鐙帷可憐痘好花回候

俗以出痘爲出花結

痴爲花回絕似歌闋舞罷時半吐大爲兒女累全家多覺寢寬疲老
夫蝟縮依鑪坐猶戀殘書夏漏遲

送蔣冬杉郡丞同季之官溫州兼寄邵閩谷太守

佐郡風流孰勝君永嘉山水絕無倫謝靈運合爲僚友陶隱居
猶是部民已較窮官多祿俸何消夜氣識金銀我游雁蕩龍湫
去丞守相煩並主人

次韻冬至後一日榕皋詩來訂消寒之集

黃雞白日迤飛埃消息誰傳江上梅佳節又驚縣土炭殘季剛
近打灰堆好詩偶爾遇不遇舊雨如何來未來火速開筵償九
九天涯窟室倒淡栝

榕皋招集靜春軒

衣襟抖擻卽塵埃無雪無詩況少梅文字千春幾益友功名八
陣弔離堆逢場歌版風光換有喜鐙花酒會來知止耐寒能作
達與君不負習池栝

夜賞盆梅之作

對君秉燭淨無埃
雛小冬陽雛小梅
如此花枝能入畫
怎教蠟淚不成堆
湖山處士誰陪坐
風雪明妃遠嫁來
那用彊添三十樹
數將一瓣一飛栝

次吳玉松上舍官舫詩

官舫湖光絕點埃
銅坑應載此時梅
猗猗猗猗更虬須
似婉婉仙娥鴉鬢堆
有婦有夫香艸贈
不琴不鶴水嬉來
可憐七里山塘路
多少蓮花白玉栝

次韻玉松語浮湘之勝

橫流九派接羲埃
江上仙人定姓梅
修竹嬋娟空翡翠
薜蘿山鬼訪魁堆
文章玉筍峯頭在
涕淚黃陵廟裏來
君最少季非放逐
相逢莫舉馬周栝

玉松疊韻顛予督亢圖中郎女二種院本愛其工雅作

詩報謝

廿季簾橐積生埃相伴牀琴紙帳梅劍客何曾愁不中孝娥別
有淚如堆此言荆軻蔡琰之不
能爲劍客孝娥也憐他頽爛頭焦盡寫出天荒地老來
多謝延陵顛好句雙鬢拍版合浮栢

臘月三日雪

仙人戲局作輕埃素女窺窗誤落梅獨立長吟枯樹賦舊游招
隱亂峯堆葑亭
舍人當門衰犢燒柴坐遠店騎驢送酒來如此雪天
良不惡悔教縞帶與銀栢

曉過金鼈玉竦

水殿凝無一點埃霧淞上樹萬株梅天寒 賜宴看冰戲濛濛冰
戲卽在
地雪淨行軍畫米堆時官兵已
通勒烏圍銀澁可尋槎客去紅衣不著釣師
來江鄉此刻蘆花被新榨糟牀得叩栢

聞榕皋與人執論資俸故寄此詩

紅藥吟情不染埃，忽催風信杏爲梅。
乘時馬有涂金鞍，逆運船爭灑瀨堆。
廿四考須句股算，百千人望稱心來。
只子懵懂無他事，料理萱堂獻歲杯。

臘八齋

佛已升天化瑤埃，人猶作齋祖黃梅。
可憐忉利開花市，指說塵凡供稻堆。
養此髮，迨火宅，共不教臘盡涅槃來。
老夫打破人間窟，只與瞽溪水一椀。

庭中老棗樹脫葉之後，每當月夜縱橫絕似梅影，向葺此屋舍，妹居之，妹歸以詩寄懷。

欲指蟾鏡辟犀埃，老棗當空似老梅。
姓氏誤連青鎖闥，湖山讓與白雲堆。
殘季又見冰霜迫，異地眞思兄妹來。
擬付華光圖畫

本蒼茫不覺罷銜栢

葑亭刻于西征集見寄五十本並寄金陵雜詩

寸稟何如積寸埃殺青同寄故園梅中季慚愧鴟夷子舊句流傳鷓濫堆君亦六朝殘照裏詩分一卷過江來不知滕薛誰居長身後虛名付酒栢

褚筠心學士舟輦楚中使還

先生水鑑水無埃歸橐蕭然看驛梅文字百家香艸祖江聲九派浪花堆得紆慈母門角望又入窮官隊裏來書局邇時浩燿海可能頻接李膺栢

褚鶴汀孝廉同季歲暮言愁用廣其意同玉圃作

甌欲生塵甌覆埃未離措大尙酸梅追風復有王良御逐日原蕪夸父堆剛歲花開滿縣好今季椒欠一盤來盈虛剝復循環

理洩不他時喫土栝

川永陵令宋叔平事

歲暮陝撫畢君秋帆富平令崔君漫亭合州牧王君審淵各分俸見寄

秦蜀紛然驛路埃發書較蚤臘宥梅一家人有稻粱望四處錢
飄榆莢堆不是盜泉聊酌取用崔子忠語竟同廉石忽飛來梁塵掃盡
門符換酒券新償合舉栝

十七日曉雪稠甚黃秀才適來遂與飲酒及夜未醒

玉龍狡獪散鱗埃六出風情定勝梅篩下黃金減米價拈將彤
管詠鹽堆午雞接過晨炊後非酒衝開曉寢來竟日懵騰天地
闊任他東海淺膠栝

送竈

垆有飛灰突有埃不如竈妾喻鹽梅又圖淨酒名香供相送松

毛栢子堆媚汝一生非活計期君七日復歸來

京師廿三日送竈除夕接竈故云七日也

銅童驕女多遺種門戶黏塗糟幾楮

爆竹

兒女風狂衣裏埃火星似爆萬家梅那知震耳全聲響卻作沿門亂紙堆一綫關通誇實際百般粉碎掉空來虛齋遙聽真無用醒酒聊勝三兩楮

酒後座中放爆竹可以醒醒故有此句

歲暮喜無一事次東坡除夜韻自遣

人壽無百歲老少分其半纔爲小兒唬已積老人歎如何不作達風光不肯玩功名鑄鐵錯親友搏沙散旣遠孔方分合耽法喜伴梅花一鑪火酌酒夜待旦火熄賸寒灰花開落程案萬物有了時惟人獨蒼亂日日徇衣倉朝朝勤櫛盥看來萬事急真無一事緩乾坤若散錢以人中間貫盜跖噉囚強顏回倉埃懦

以此感予心瘖焉口吞炭幸謝避債臺且築忘憂館古井無時
波寸艸向陽煖三口與六鑿不值吾一粲

饋歲二首

白鹽紅米今生願廚味蕭然姑聽之多謝門生肯饋歲又教
外一開省

山羊野鹿龐然大夏有人長海上魚一咲老饕生事足東坡寒
儉只花豬

竹葉庵文集卷八

竹葉庵文集卷九

詩九

吳縣 張垣 商言

鳳皇池上集五

乙未正月迄六月

新季兒童買盡有盡搖錢樹者戲賦十韻

榆莢漫天地春風爲紀季那知千歲樹卻長五銖錢
蚨走雷霆血蟲生雨露涎盟之以息壤灌者豈廉泉
光接扶桑曙雲開左藏連卅家幾敗子喬木化寒煙
一咲原非分平生詎作緣貴無馮異種富比薛瓊傳
劫火洪鑪鑄膠枝古篆鐫皇天防障籠種菜卻安優

薛瓊種銀質樹生花有銀色若銅螺及結實皆銀也見謝氏詩源陽雅種菜無種天神與之數升種之其本化爲白鹽餘爲錢見孝德傳

戲賦餽元寶十韻

屑米供搏捏如金出冶奇一般經竈釜小惠及童兒
蹠趾中央厚規模四角鬚取之聊以貌對爾可忘飢
棗栗爲羣輔親朋亦

其貽分明添物幻多謝受人欺圖畫貪夫樣商量巧婦炊廚刀
重切處鑪火再還時餐得乾坤寶同於烏雀癡提防成塊壘腸
胃未相宐

立春後一日招同人集昇元墨妙軒以宿酒初消春睡
起分韻得酒字賦春餅十韻

春風似美人春到闕予牖燕可答韶光相將出旨酒遲遲賣困
天一一忌機友說餅昔賢傳堆盤今日有炎涼竈婢心反覆廚
孃手輕薄以爭奇煎熬寧耐久餽分花因豬齋捲霜園韭大噓
語鹵窗小人願南畝招邀訪畢羅故舊徵牢九此樂洵陶陶不
須金繫肘

人日玉剛招集同人以人日題詩寄艸堂分韻得寄字
立春二日屈人日消寒未了詩筒寄馮郎高興開精廚卻倩孺

人刀俎治紅燭煌煌照新月寶釧春衫想才智數人之饜損裏
具山雞野雉羅芳馥惡客舉箸如風雷乳獸驚醒餓虎睡杯槃
傾倒按淋漓一座譁聲咲啞啞不敢唐突是膳祖但共揚言好
中饋孺人憊矣曷少休閨閣亦爲能所累我與馮郎正親家博與程戲是兒女正親家兒趙抃奏狀 蚌出明珠定無二他季羹湯餉老姑老夫分啜
必稱意星疎月落人散去馮郎入室酒半醉長揖以報孟光勞
代除花勝看肩翠

有病會同官先歸坐至月上閨人重置酒諧家園之景

二首

正月九日

青春有病感無涯
邂逅難徵歌不敢誇
天上漸教生桂子
門前又聽賣梨花
也 火花 多情風月三季艾
失勢莊園五色瓜
送故迎新成歎息
何如歸去捕魚蝦

中季悔不臥滄江招我江頭尺鯉雙
今夜疎星橫玉笛故園春
寢入紗窗一生幾得梅花共
小病猶勞酒盞降月珮風裳爲老
伴他時不數鹿門龐

十三日試燈

元宵預許放金吾灼灼花燈照九衢
宇宙共知春色好兒童先
盼夕陽燕膏油聚得金銀氣樓閣
眞開雲溼圖寄語月宮仙子
道莫將風雨敗歡娛

是夜月暈

十四日夜雪

月照花燈雪鬪明兩般瀟灑一晶瑩
春宵那得不成醉人屯如
何只喜晴鷓鳴燕聲沈北斗魚龍帶
溼戲東瀛風光戀戀難拋
擲自埽空階待細烹

元夜

月如春鏡初摩後，鏡似鮮花亂放時。天意人心俱好合，紅圍綠
暈忽相思。應來節候浮圓子，約到黃昏絕妙詞。老去閒情流水
淡，又因殘醉一題詩。

○十六日精忠廟觀燈三首

鐙火春宵拜鄂王，羸來身後不淒涼。兩宮父子當風燭，半壁江
山燼火光。夜景樊樓空汴水，蚤潮鐵弩倦錢唐。最憐無補乾坤
恨，鑄得姦臣跪道旁。

神勇誰教天賦殊，是何慘憾受冤屠。申王火熱潭潭府，鹵子金
銷淡淡湖也。算中興比文叔，不畱大將託扶蘇。精忠祠額人間
徧，眞說高宗是下愚。

高宗不是論孝宗若有岳飛可聖恢復故有第六句

甫季曾共賦燒秦，歷劫難磨此惡人。爛盡皮毛猶有臭，本無心
肺枉遭嗔。六橋花月空濛夜，三字風波鍛鍊辰。自此中原焦灼

徧海邊幾個宋遺民

孔莊谷部讐招同翁覃溪吳泰交二翰林程魚門陳伯思姚姬傳洪素人四部讐戴東原邵二雲二徵君小集
寓齋同賦高麗茶花

高麗茶花代茶葉風味淳悶爭苦茶沮水臨涯治平壤樂浪分
部開諸奴亦有搢紳士大夫扁堂子弟相邀呼煎茶讀書消長
畫陽秋國志頗可娛游女如雲踏歌夜晴川浴出光明姝郎若
同時吃茶至妾如茶好花爲膚玉師十萬渡鳴淩滄桑閱盡海
上圖蓋蘇文興鉗牟岑今其人皆何往乎有田可耕地可種茶
樹綽約千萬株采花上船增貢使天風吹到瓣與須孔君好事
窮按羅招集京華舊酒迷陽羨建溪不解渴火煎松明傾一壺
買鑑秘記或細載吾所不論此偏隅太平飲會樂中土

天子柔遠臻唐虞

門生送地黄分一桺貽榕皋

多病中忝思藥物寄來遠道極關情措之不亞小兒臂熟後可
爲寒食錫一飯朱門燕粟飽千金駿馬解鞍輕二句用樂天詩意清寒分
送同季去紙閣蘆簾伴酒銷

四月一日衛訥旃上舍招同王葑亭舍人二閣泛舟訪

周介亭監督不遇

介亭不盡

踏上瓜皮艇子搖韶光尚作美人嬌一湖春水暝雛鳴幾樹緋
桃燒去聲野橋官閣漫尋名士盡邨居苦憶故山瓢老夫興盡無
歸處除醉如何白日消

十八日同潘榕皋舍人令弟鐵華郭匏雅陸默齋三孝
廉重游二閣周介亭監督送酒

湖光浩淼驚新夏，人事蒼茫感白頭。雲水重來顛鳳字，風花讓與打魚舟。翻飛蚊蚋如雜伎，圖畫麒麟亦土邱。不論賢愚須痛飲，相看鼙鼓會中流。

自題荒莊感舊圖二首

太傅門堂畫像哀，一碑峴首幾層臺。子孫孱弱無名位，那博榮施汗簡來。

涼堂煥館昔從橫，禾黍鹵風今愴情。掾吏賓朋俱廢芻，溪流猶作管絃聲。

村翁方綱荒莊感舊圖歌

君家吳興今寓吳，時時寢到於此湖。此湖此莊儼未廢，如見侍郎手築初。山分遠近帶茅屋，板橋水閣相縈紆。略似文家眺遠作，四面水響皆菰蒲。顧應祥記宛可證，餘不溪上有是

乎湖田蕪范展平綠想裏一宅成一區更有迴廊與曲塢雜
坐賓客羅笙竽鄰翁分泉或釀秫子弟並星皆讀書相與感
激寫家傳嚴家事可傾一壺爾來六世二百載舊逕父老猶
傳諸舍人簪筆紫薇閣述祖德詩詩格殊儵然神往得大意
二尺之絹尺半圖圖中二人語指點得識當日遺蹟無誰云
莊墓半禾黍百季樹木須人扶舍人畫此不無意文章經濟
同根株鹵吳中吳一水近四兩舊雨尋吾迹掩卷歷歷猶識
路不待煙水相招呼某水某邱與某樹對客色動軒眉須城
南花開招我輩藏弄壓架紛籤厨君家舊事皆青史小軒不
媿記事殊

朱筠題詩

張公凌波塘上住作朝直臣憶鄉樹令弟爲開四雨莊曰歸

一季感逝賦二百餘載愛樹成樹成又毀莊餘名曩孫舍人
懷祖德七圖王宸手筆精湖跌山頭接銅研澹澹皴痕遠遠
見方厓一帶度平橋繞屋扶疎樹搖颯密杉稀柳中有人帶
屐絲竹纔歸身斯須林下如天福人海波濤那可論鈴山艸
堂彼一時聽雨青詞夏製詞紛紛楊沈卵碎石劾嵩父子公
疏持發驕王辜肅朝禮要張四維一任已志行瞥爾思葦蘆
羨公待得權臣外昔賢一水復一邱非爲童子戀釣游退能
閒
報國思人愛屋從無由古木荒荒水拍拍六葉耶君
好詩卷若爲嘉靖詠太沖不堪歎段都門陌我過高軒名記
珠看花幾度酒幾壺人生艸艸數相見莫負君家如此圖

姚鼎題詩

君家木屬烏程人嘉靖之時兩搢紳莊僖公作都御史侍郎

弟也皆近臣莊僭陳疏乞歸去侍郎築室菱湖濱吳興清流
山水鄰四雨湖莊尤絕倫百季頽毀臺榭盡況論當時琴酒
賓君家自徙吳門住子孫稀向菱湖去季季春水落花流無
人知是湖莊樹侍郎六世君其孫咸時懷舊業心魂躑行青
艸湖山路春閉寒莊風雨門荒莊無門但餘陟風雨蕭條來
不已山川瑰麗自無遺人物崢嶸原不似淞江王宸筆有神
畫出人心託烟水賢者生乃爲世生同羣鳥獸非人情東山
憂樂蓋有旨豈與阡陌爲訂盟我憶當季好兄弟春風曳杖
同遊戲少季許國志本朝老矣投身終此地幾人功業返衰
時何處園亭遺後嗣異代迭興慕古懷畫圖那盡賢豪意舍
人博學有奇才當作功名繼古來縱道湖莊全盛日屈伸人
事有餘哀

汪生捉鬼行

汪生獨瞑蚤閉門其夜月黑燈如燐似魘不魘醒不醒大過怪物來纏身掀然蹶起徑袪袞出鬼不意鬼欲倒鬼臂冷於水人臂熱於火人鬼四臂相撐持亂如中流振一柁鬼族紛紛解奔救屋瓦震動注呆廂東鹵跳盪不撒手此時真是陰陽關皇天祐人不祐鬼此鬼入網不能漏雞噓噓兮東方高鬼無領兮亦無腰頓覺蓬蓬作輕絮捉鬼之臂猶捨牢火攻上上策拉雜全摧燒燒之血出腥難嗅燒鬼原來鬼最臭出血頗積一斗餘此鬼可知不甚疼吁嗟乎爾鬼何不自日藏空墳何不黑夜游戲青楓根一鬼既外萬鬼氣不振鬼等伎倆甚有限算向人閒亂嚇人

題董文恪公

邦達

澹春別墅卅子送東畬弟之官蜀中

滄浪亭子城南路展卷風光可歎歔花爲將離開勺藥人須未
老便鱸魚科名一半非全少兩中畫筆崢嶸大有餘君亦萬里
橋頭燕萬里京華常寄弟兄書副榜

頌王羈畫卷

王羈辰作畫必飲酒下直問吾有酒不知羈此日肯作畫吾拌
酒爲釣畫鉤呼童卷簾羅筍脯北斗未夜天牒流一壺兩壺松
竈火一樹兩樹石縫樓忽然酒半得神助大開大闔陰陽愁一
筆插天成五嶽一筆到地橫九州地上出雲天上雨吞吐酒氣
爲沈浮吾坐坐隅驚叫絕羈也該諧相應酬自羈分守空昌去
思君不見增離愛湘江九派魚龍宅黃蘆苦竹又兩秋同季郭
生毓嗜羈畫大多亦以酒購求一圖揆春一送別合裝長卷珍
環球屬吾頌詩拚空白恐是著糞佛頂頭此詩亦是酒後作人

啖吾於罍何繼

葑亭將行重過記珠軒語別有酒不歡爲之彊醉送至
城外作歌贈之語無倫次

吾聞劍客擊人羞不中撤振窮竄不知其所止王耶學劍縱不
成難進易退亦是古君子吾將呼青猿鞭白兕山中桂花差勝
屯閒之蕙莎藉爾江湖助聲勢如何墮爾紅塵裏果然蹇修不
見信道路東風吹馬耳今日一杯酒送出彰義門外十數里
猩被禽拂拂格格嗁啖可憐無一是歸舟速汲中冷滿一餅遲去聲
吾建業城下嘗此水

午雞

喬木長風煙牆頭膈膊傳一聲催白日此景似中季風雨橫塘
路雲山載酒船誰家養竹院正是引雛天

乙未端午

昨朝風雨失輕塵，艾葉榴花又斬新。
文字一篇埋孝女，魚龍萬古醫忠臣。
乾坤酒盞爲佳節，涕淚波濤送昔人。
攬盡風光看白日，是何根獨故酸辛。

三絃子

根根隔院三絃子，不似琵琶不似箏。
我有七絃琴，最古綠窗塵。
土不分明宮商下里，皆成曲雞犬人間。
無變聲聽，到月斜酒醒後，光也作作見長庚。

小樹

我初到直廬，此樹未過垣。
旁枝爲四出，親手芟其繁。
亭亭致直上，三歲閱晨昏。
今季輪囷甚，綠蔭高當軒。
爾尚非貞木，得甄猶騰騫。
哀哉澗底松，屈鬱盤孤根。
若以短長計，且作蓬蒿論。
物情

雖自得物理竟難言

門生送酒

圖經洩出蕪終縣艸卅卅膠一解顏但遣燈花陪月下略存酒

味在人間還鄉衣帶千重水蕪卅志洩水名還鄉河伏枕刀芒萬疊山孤負

吳中雙橘好吳中福珍酒以雙橘者最醇新荷欹柄碧筒彎

顓陳生守會畫美人落葉驚秋筵子

美人莫唱哀蟬曲畫者陳生亦北邙它日誰修宰相表子孫零

落午橋莊

花時陰晴不一雜有詠懷總顓曰看花詩十四首

一雨便一夜絕類江南天雜花親手蒔一一競芳妍雨痕尚未

乾綉淚皆嫣然乃如將嫁女車騎喧門肯明知歡喜事哭向母

身邊紅日上檐際花態渺神仙此雨非蕪功女咲倚郎肩

雙虹見東南積雨鳴階
凡游蠶亦惡蠶闖人齧窗紙但恐石墮
花寂寞埋濛汜乾坤生一物不應艸艸死精神有所藏榮華是
其理驗取溝澮間洩洩行將止老夫戴笠出檢點諸紅紫殘枝
便零落初苞益姣美照花蛻有脂醫花癩燕隨陰晴付柱礎置
之風過耳

天下無好女珠玉卽爲妝天下無好花晴霽卽爲芳託根有貴
賤紆心皆向陽馬周爲逐客骯髒殊不祥一日遇天子醒眼理
皇綱只無中上壽埋骨昭陵旁優壽亦何爲霍隨百艸荒李白
終落魄今猶咲酒狂

吾校架上書乃得寶月集如何此惡札後人勤什襲如儷燕一
長宮徵復荒罍竟與羅刹對去之恐不急傳有幸不幸公道向
誰述所以古卞和手哀荆山泣掩映夕陽花蒼茫爲獨立

少不聞蟬聲喜其風景蚤中季聞蟬聲催予歲華老纔見已熟
瓜又有欲芑稻階下叢生花吐噉爭晴昊涼風藏屋到地成
枯槁男兒恃意氣車馬洛陽道生獻羽獵賦外甯封禪藥感憤
邊學士繼挽歌殊艸艸

予本山野人應科偶釋褐一生白雲心七載青瑣園散直無營
謀恥受名利聒今日且看花它季合種葛移榻就空庭高天得
遼闊涼星縱然明孤螢出木末

朝會出巢喜其聲舒以長募禽歸巢急其聲促以忙子居所臥
齋頗近大道効販夫初叫賣白日高堂堂一母擬十子語緩而
價昂屈乎釜火時妻子倚門望纔漸不過宿唱調皆悲涼人禽
同此情惻然感中腸朝花與暮花顏色分姬妾憐其屢有形無
聲可揣量濛濛矜曉露撼撼恐繁霜我將偕化史圖盡鬱金裳

京師業窖花利用在於火獅炭北風鬪蠶室南窗鎖女丁婚婦
壬不絕車轉輾窮冬未向春閉塞到蟲蝶句尖誰主宰紅白出
媿媿謀獻五侯家餅金致一朵下民與皇天爭奇大不可頃刻
假奮迅數日真委墮已媿外作隣乃憐生爲禍花花若如此種
種鮮結果眼肯此眾卉價賤直蓬艱恢良極長養鹵顛緩顛簸
不訖早爲珍但取富堪荷日照珊瑚明風生翡翠鞞詠詩坊薄
俗徇人毋卷我

雨與雨相撞水中眾漚浮初見一漚起隨見千萬漚蓬勃氣偶
鼓漂散形卽休所以喻六如脆逾琉璃愁惻然念吾花瓣落如
泛鷗日沒及崦嵫瀝去花不畱報恩痛無地何物非贅疣

雨後庭積潦有一種飛蟲小蠅十之九雙掖六足重飛來立水
面細喙撥水中物情各有適朋聚何邕邕彼視坳堂區震澤萬

頃容踏浪徑游戲失墮將誰恫豈有巫咸使招魂排圓穹咒水
得蚤乾飛去入花叢

生子但看花看花亦可悲生子不看花不看花奚爲彈指四十
過白髮禿禿垂人生偃八十四是午時過此入申酉桑榆景
在茲紛紛諸後進蜚聲鳴雲遠鮮衣華腰帶晉謁沙隄陞見面
略輸心背面此老嗤趨趨無所向獨吟杜甫詩

巍巍文正公忠良高柱石天地有正聲門館無私客朝坐政事
堂袞衣儼赤鳥百司各呈事語簡而治覈震怒時雷行宿憾旋
冰釋陰陽作舒慘風雲爲闔闢以此人奮興賢愚齊執役先生
今已矣大名垂方冊又因看花時涕淚感疇昔

滋味苦於隲名場晚似瓜通宵風與雨擁病獨咨嗟檢藥燕長
柔帶琴無瓠巴躑躅身後謚零落眼崙花

一病臥三日起視花空枝不必皆空枝慘減滅光儀譬之人中
季猶此類與頤細審顏色改非是季少時獨吟卷微痾頤曰看
花詩看花須歡情而我何其悲庶幾千載下悵然有餘思

鄭公玉

釣臺圖裴余忠宣 頤象四字於崙用程篁墩

敏政韻

踞河之濬一片石風雨精靈百千尺師山釣此青陽顯莽莽崖
間正人蹟一人在山一出山寒暄手札開歡顏春秋易象各注
釋離亂干戈雜往還後之來者邦人士卷中遺句篁墩字石田
高士未作圖惆悵人間闕陷事

石田有七言長律八韻而詩序未會言作圖也

釣絲裊裊清風

生鮑葉鮑葆豈弟兄

鮑葉為師山築艸堂釣臺石之側師山記之在至正十六季又師山戊戌七月頤記云拘囚郡中鮑伯原之子葆言近得西山

釣石欲為余築艸堂其列余且就从不暇往觀俾刻其事石上是拘節當在至正十八季唐仲移建師山書院記謂在至正十七季者誤也

兩個艸堂幾兩

屐千秋墮淚為虛名富登渡口潮初落春月秋花滿雲壑青山

層紫後山青一氣忠魂儼包絡尼聖遺言德不孤兩賢寄興盡
重募鄭夫人勇隨夫歿此溱冀生之所無

王禕師山遺集序云其妻之
曰君苟歿吾其相從地下先生

遊自繪

王文成奏疏艸稟真迹

公之勳業在天地沛虜文章若流水盧蘇王受作不靖倒戈自
縛等閒耳撫循土眾七萬人賣刀買牛喧蠻市公畱林富改憲
職不欲官設都御史淋漓疏艸六百言保護仁心託終始去公
楹寢廢數月想亦病淡蕉萃矣與人家國不辭難受人疑謗不
能理九華山富藥艸香陽明洞多羣弟子公蚤戢影避世網未
必五十七季外蘭厄自焚膏自煎至人歎息良有以吞聲再讀
鐙施時那不淚痕漬滿紙

倪文正疎林遠岫長幅

公之書品多鬱怒公之畫品獨淡遠雲林燕恙嗣家法孤忠不
屑垂瓠苑雜樹五株屋一閒屋之對岸橫遠山屋中不盡一人
坐風自開門風自關此幀未顯季與月想象還山罷官作閒情
煙雨若邪谿故人琴酒衣雲閣公臞未老譜言愁四十容顏似
白頭會以其
像如此肯將八策憂時筆常寫疎林一抹秋

潘舍人行

有唐季葉寶月僧以畫詩書三擅名其書不可觀其詩醜可憎
廣畫羅漢妙無匹光孝寺裏佛光明同里同季潘舍人奕健擬
三絕同人爭步虛躡絕不可到寢邪不寢通神靈似見荷花萬
朵晴荷花路接三閒廳廳事雲母裝圍屏老人巾服道氣疑云
卽此人董華亭貽君數字字法精忽化白鶴翔青冥燭枕頓寤
心惺惺心摩手追無晷停季來微妙得意處似荷之香鶴之翎

一畫必南宗一詩必長城行楷錯落符書評尚書人品象李蔡
在下中中不足稱調語題序諛姦相幾作權門狗與鷹亮哉書
畫人天驚墨池千載炳一鐙刷楊少師歐率夏薛河東與王右
丞元初大家趙吳興走避不及喚不膺天傳兩翼但兩足如何
詩筆能崢嶸容壘集類松雪集聊足唱歎言其情吁嗟乎潘舍
人我嗤萬事勞爾形七日不汗何重輕三昧出火誰輪贏索我
題圖長句成碧梧紅相淒以清我邇多病百不營不知混沌鑿
外生醯雞日在罍中咲鵬鳥何如百鳥聲

觀象作

今日初伏起城濠觀洗象官校設旗鼓象奴導象往萬物礪
牙肯口相倚仗如何此怪物森森鄉外長招搖眾人看以是
標榜其鼻云天矯大小麤於益飲會亦需之借用職殊枉此皆

天地奇偶試非常放一馴德可取 盛世備畜養

晉藩寶賢堂帖背紙是宏治十四年祁縣官牘方印二

寸賦詩頌之

繆篆文筆肩填篆文筆羨儼成九曲形方折界如綫

俗謂九曲篆即填篆也填篆者

謂以長短倍縮填滿其字蓋人以繆篆刻印輒从肩筆無回旋盤曲之文故知填篆特是一體非得曲之變至填篆而古法大失矣

趙宋盛此體僉押

書畫院明季印沿之牘尾認祁縣云是糧戶冊裝帖作背圖墨香伴嚶晉乃感六書變懷彼籀與斯古訓逐去電

頌王阮亭先生禪悅圖二首

巖滄浪論詩本色本妙悟先生禪悅圖或有廣長慕然不諱學

者往往墜雲霧詩品不言禪水月禪之趣

流水今日明月前身予謂以禪論詩無出此八字之妙

約可小篇吞吐含情素所以再入蜀兩韻工絕句先生亦老矣

拊膺感遲算好詩萬花開灼灼三春樹少不及爛漫乾腊便虛

度何處覓羚羊出手驗脫兔

詩道不假悟羽許只溼魏澈下不澈上口辯語有譁五言屠義
熙黃初分涇渭陶公千載人吟成菽粟味菽粟非禪悅飽便充
腸胃唐賢諷諭尚冗長辭則費老杜生天寶一飯作歎歎此豈
悟所爲可以判品彙菩提明鏡偈了義亦非旣枯木倚寒巖一
咲置之未

聞鴟戲作

後號先咲爾何來牆角銜昏暗似煤不識吉凶偏有我付之憎
慳小於孩天生斯族非爲累物必能鳴詎是災才子長沙傳賦
鵬沈憂枉自莽蒿萊

頌北周造像石刻二種二首

香龕尊引聖如來手捧蓮花次第開彷彿北朝西蓋藥雲爐衣

帶半青苔

顯名佛座兩三層女子如孃小字稱艸艸六書遺法在偏旁宐
眉不宐增

五代碑謄字盛行遊佛像一軀字或作偃或作堰此獨作區最雅馴也

沈石田桐陰高士

吳宮秋老不關情劇喜先生遇太平幾個玉山艸堂客白頭可
以諧長生

竹葉庵文集卷九